


初中學生文庫

分類名家尺牘選粹

上冊

編者 姚漢章



中華書局編印

# 例言

一、是編搜輯周、秦、漢、魏、兩晉、南北朝、隋、唐、宋、元、明、清之別集總集中翰簡粹語。文不取博，語惟求精，故名選粹。

一、是編首分類，次分目，而每目中有子目，可分者復詳列之。期使古人之文章，便於今人之應用。

一、書啓箋簡，名稱不一，究其指歸，不外達情述事。漢書陳遵傳有與人尺牘之語，故以尺牘互括之。

一、是編作者姓氏及原題，悉附綴於每篇之後，以便閱者稽攷。

一、文字遷變，厥有由來。大抵周、秦、漢、魏一派，六朝、隋、唐一派，宋、元、明、清一派。質勝文勝，遞嬗相承，時世不同，文章亦異。是編按時代之先後，爲排列之次序，庶讀者可因尺牘而悟文字之源流。

一、通人名士，往往適興揮翰，或俚諺紛披，或長編雜沓，未免使名章俊語因之減色。是編遇有可刪節處，則刪節之，不敢以擅削古人文字爲嫌。

一、是編採取之文，間有一文可隸數目者，爲便於實用，則亦分隸各目，悉心斟酌，非同繁複。閱者諒之。

# 分類名家尺牘選粹 上冊

## 目錄

頁數

### 問訊類

訊候

一

酬答

五

思慕

一一

近地

遠道

乍別

久離

企見

不晤

聞聲

感候

話舊

四〇

往事

游蹤

### 交際類

招請

四六

招顧 招遊 招飲饌

造訪 ..... 五七

失晤 ..... 六〇

期約 ..... 六二

過從 燕飲 臨眺

游宴 ..... 六八

餽贈 ..... 七二

文具 食品 服飾 財物

請乞 ..... 八〇

詩文 書畫 財物

承諾 ..... 九三

卻謝 ..... 九六

游宴 餽贈 雜類

致謝

一〇一

翰牘

過臨

詩文

書畫

文具

食品

服飾

財物

雜類

聚散類

迎餞

一三五

惜別

一三八

已別

久別

哀樂類

慶祝

一四五

得官

生子

介壽

賀節

慰藉

一五一

不遇

遭議

罷黜

屈辱

難災

弔唁

一六三

悲悼

一六七

家族 戚友

感逝

一七五

僚屬

朋儕

雜類

游息類

行役

一八二

公事

饑驅

羈旅

一八九

游眺

一九二

看山

玩水

居處

一九七

清貧

高雅

景物

二〇二

山水

雪月

花草

竹樹

# 分類名家尺牘選粹 上冊

## 問訊類

### 訊候

君白：四表清通，俊父濯景，山無由皓之隱，朝有二八之盛，斯誠明珠燿光之高會，鸞皇翻翥之良秋也。吾子懷英偉之才，而遇清升之祚，想已天飛奮翼紫闥，使親者有邇賴也。君白。索靖月儀帖

嗣宗窮途，楊朱歧路，征蓬長逝，流水不歸。舒慘殊方，炎涼異節。木皮春厚，桂樹冬榮。想攝衛惟宜，動靜多豫。賢兄入關，敬承款曲，猶依杜陵之水，尙保池陽之田。鏟跡幽蹊，銷聲窮谷，何其愉樂！幸甚幸甚！王羲寄梁處士周弘讓書

方今白藏紹序，朱律謝期。天高而林野疎，候肅而江山靜。輕蟬送夏，驚晚吹於風園；旅雁乘秋，動宵吟於露渚。絲續成於南畝，杭黍被於東阡。時計有儲，願履多福！王勃爲人與蜀城父老書

一分襟袖，三變寒暄。雖思逸少之蘭亭，敢厭桓公之竹馬。況去思遺愛，遐布歌謠；酒興詩情，深留景物。

庾樓吟望，謝墅遊娛。方知繼組之難，不止頽條之事。今者冰消雪薄，江麗山春，訪古跡於暨羅，探異書於禹穴。不知兩樂，何者爲先？幸謝故人，勉自遵攝！李商隱爲樂陽公與浙東大夫啓

某啓：昨者太保還政王朝，榮歸故里，暫留齋舫，云止陋邦。竊省孤危，方嬰罪譴。逃虛易喜，蓋人迹之罕逢，道舊爲歡，矧平生之有素。特荷眷私之厚，不爲位貌之嚴。金玉之堅，弗渝於彌久；松筠之操，獨見於大寒。感慰所深，幽憂如釋。捨舟趨陸，去險騰夷。懷組鄉閭，雖暫伸於夙尚；追鋒疾置，將入副於精求。惟期善衛襟靈，以迎休寵。歐陽修上致政王太保啓

某啓：自曠清談，驟更良節，林木幽隱，園堵寂寥，了亡世紛，足以自得。其餘追復舊好，睇想清才，懸搖之心，狀貌難盡。猶聆蒞事明敏，越於時輩，萬舌一詞，所共稱賞。況在顧盼之預，寧不欣愉！暑中萬希善保，不宜釋契嵩與陸推官書

自丁卯之秋，辱高軒見過，尋復別去。由丁及癸，倏焉七見，秋風清秋月明矣。樹雲梁月，如懷仰何！昨歲春初，獲見少參令弟，出示手墨，備承惠教，忻然如見顏面。頃不嗣音，又幾二載，不審比來德履何似？遠惟容臺清暇，仕學兩優，德業文章，遠轡古人。歐曾周楊，將不得專美於前，敬羨敬歎。章懋復羅整菴允升書

春事方新，楚天日遠。湖上主人，生事如何？孤艇白蘋，明月萬里，懷人寄思，幸分一二。宗臣與沈二丈書

經春離索，想彼此同懷。比來雅抱何似？齋頭著述，足銷窮愁，淵明酒豪，而困於貧，時復有王江州顏始安其人爲具資斧否？莫是龍與殷無美書

春雨雖佳，憾斷我相知往還耳。不審齋頭作何事也？旦夕不晴，當須一面，案上置何書？且願聞之！莫是龍與徐文卿書

別門下十五載，不知頰頰然，膚玉然，腹匏然，步蹢然，躍然，與鬚鬢黟然乎否也？婚嫁畢乎？五山蒼茫，何時命駕？王穉登與趙太史書

南鴻入北雲，不問足下溫寒，惟問太夫人持杖擊仙郎，力健勝韓家母乎？陳嫂胡姬烏雲鬢，爲寧馨兒搔亂乎？足下詠桂枝小山乎？時弟手病，捉筆如杵，語難多及。許君信候孔願之書

園亭梅增幾樹，菊增幾本？紅葉黃柑無恙乎？秋氣日佳，黃雞紫蟹肥矣。高臺明月，何人共之？亦憑欄望西南否？祝世祿與丁衆甫書

一別一年，來問玄都觀裏桃花，別後再開多少？人壽幾何，能無離恨！王次公復劉華父書

酒徒得酒所矣。翁子守天台，舉天台之酒以醉一陳生，何求不得？但恐淵明重觴忘天，吾兄重觴忘故人耳。陳生醉得，亦能賦新句乎？幸以教我。台州儻寄天台竹杖至，吾便來觀赤城霞。鄭磊與酒徒陳天亮書

懷想君子，比於饑渴。昨衝炎馳馬，雖得握手清詒堂下，時體方委頓，偃仰在牀，寸心未盡，前路日斜矣。嗟乎！襄陽異昔，東武誰吟。坐語桑間，獨拜牀下。同風相遇，疑別有千古。茲百里相望，渺若河山，況異時千里之思耶？未識嗣音，率爾展訊。胡介與申堯盟書

仁兄到家，計已半月矣。內有兒孫牽衣嬉戲，外有元圃輩把酒談諧，快心何如。弟白首一室，但書債未了耳。嘗思好書與好酒好色，同是一癖，家產坐此蕩盡，而好之不正，胸中至死無悔。然明知而不能戒，言之可笑。家姊衰老，何日得見，慎食眠，省惱怒，惟此之囑。雷士俊與張六息書

燕山抵掌，一別十年。秋葦之感，無時去心。令問休暢，景卿百爾。野人疎陋，室於鯉鴻，惟是高談在耳，舊詠娛心，千里縈紆，不覺其遠。側聞老世臺稅駕聖湖，心眉並飛。會方鍵關習靜，不卽褰裳。居恆未嘗迷夢尋之路，及既咫尺，乃更河漢，抑何悖耶。緬惟昔者，飲德南返，間關鄭鄉，把奉太翁先生，款洽累日，相與謁聖林，登闕里，瞻姬公，復聖諸廟貌，還拜祖太翁前賢於松柏間，聯袂行吟，繾綣惜別。曾幾何時，而琴亡梁壞，可勝悽惻！爰雞既媿昔人，馭寄亦乖驢賁，古今之不相及，大略如此矣。令友玉昆，龍光載煥，其爲繼述，足以千秋靜功圓日，當坐晤於雙高之下。儻鵠首東來，懷古越王之城，則日占紫氣，引領望之。率爾佈候，諸容面罄。不悉。倪會鼎致頤遜甫書

憂病相因，久虛箋候。惟稔閣下恩風翔被，卿月升華，巖處傾聽之餘，欣慰無既。所念開爐節近，而當時舊雨，大半飄蕭。未識煮酒消寒，亦尙能烹關東之魚，煮安肅之菜，一佐尊前豪興否？吳錫麒答沈司馬書

### 酬答

乾道輔誠，誕膺嘉祚。膺受多福，爲國藩維。雖分陝之任，未足比盛。遠近隆望，何慶如之。昔值險阻，越寬海濱，于裔歷載，風綱不紀。暨蒙國恩，還踐舊土。簿佐多難，恆嬰篤疾。愧使區區，展之無借。泛愛遇隆，遠辱綸墨，降尊誘卑，訓喻過泰。見得思義，抱以踴躍，不勝來顧，裁因答辱。管寧答桓範書

君白：王路熙和，皇化洋溢，博採英儒，以恢時佐。輦無叩角之怨，門有搢紳之盛，斯乃潛龍逢九五之運，寶玉值卞氏之明。已委蓬室之陋，以妥金紫之榮，使親契有拂冠之慶也。君白：索靖月儀帖

靈運白：一悟理質以經誥，可謂俗文之談。然書不盡意，亦前世格言。幽僻無事，聊與同行道人，共求其衷。猥辱高難，詞徵理析，莫不精究。尋覽彌日，欣若暫對。輒復更伸前論，雖不辨，酬釋來問，且以示懷耳。海嶠岨迴，披示無期，臨白增懷，眷歎良深。靈運再拜。謝靈運答王衛軍問辨宗論書

學山學海，未臻其極，爲龍爲光，或從王事。所賴昔經陝服，頗足良書。憑几據梧，靜供遊目。枕中之記，卽

用爲枕，帷首之帙，仍可爲帷。對此自娛，敬而待命。叩而必應，已謝懸鍾，汲而無竭，復乖井養。梁元帝答劉綽求述制旨義書

仰承張幕全韓，連營上地。澠池置陣，解鄧禹之圍，函谷開關，削王元之印。鋒旗朝上，刁斗夜鳴，彌雄壯士之心，足起橫行之志。況復才人出娉，還得賢夫，塞外有夫人之城，軍中有女子之氣。都尉青旗，卽時春色，將軍大樹，已復花開。雲氣浮壘，流星汎枕，細舞長歌，橫簫直笛。當乎此時，青雲之上，信不學無術，本分泥沈。忽逢天造，搜揚側陋。今者遂總憲司，預聞刊鼎。獻歲刑書，旣應懸法，上春木鐸，方須徇人。但年髮已秋，性靈久竭，嘉石肺石，無以測量。舌端筆端，惟知繁擁。乖展一月，遂涉兩年。傾首東瞻，山河千里，風塵未盡，霜露沾衣。仰願珍宜，以爲身寶。庾信答趙王啓

風壤一殊，山河萬里。或平生未展，或睽索累年，存沒寂寥，吉凶阻絕，無由聚洩，每積淒涼。近緣之官，佐任海曲，便還故里，冀敍宗盟，徒有所懷，未畢斯願。不意遠勞折簡，辱逮壇淪，雖未敍言，暫如披面。晚夏炎鬱，並想履宜。賈賓王與親情書

昨夜安東聽倡，牖北追涼，枹枕才欹，蘭缸未艾。縹緲初解，紫簡仍傳。麗事珍繁，摘華益瞻。雖則竟山充實，握槩堪書，五丸二兩之精英，三輔九江之清潤。葛龔受賜，稱下士難求，王粲著銘，想遐風易遠。溫庭筠答

段成式書

某啓：燄然炎燎中，方不知所以逃生。忽辱寵示佳作，強起疾讀，其爲清快，難以言傳。然賦無屬和之理，但當臥誦，以代飲冰咀雪爾。某兩日爲伯庸趁了誌文，蓋其葬日實近，恐誤他事，然其爲苦，不可勝言。閒思宜爲劉父所誚，然自此當絕筆。雖不能如俚俗斷指刺環，邀於鬼神以自誓，然當痛自懲艾茲時之勞也。方執筆，得少風稍清，故能忉忉不宣。歐陽修與劉原父書

日於仲氏便价得書，振衣快讀，恍然眉宇之迫吾睫。可人不來，蒼苔滿徑，得無忘把酒看山時約耶？西風逼人，桂香浮動，天池鯢化，搏扶搖而上之，捨愛山其誰屬？魁卷紙一幅，納之文房，衣被琳瑯，騰翥光景，褚生輩亦將修其逢矣。薄言占復，掛一漏萬。山中度日如年，落葉蕭蕭，涼風墮砌，起視寥泬，安得知己握手長吟，寫胸中之耿耿，以相慰藉耶？杪秋餘熱猶壯，二豎者雖相戲而不吾虐，予亦從其所爲，倉扁輩未嘗屑屑然也。久之不覺脫然去體，是又不治之治，有勝於劑餌者。寵貽手札，問勞渠渠，故道其所以然，而以復於執事。文天祥與謝教授愛山書

某江滸分攜，流光如駛，每荒城雲合，笛韻沈沈，吾故人之思，未嘗不往來於懷也。禿筆鉗書，曾無暇晷，東風順翼，乃有飛牋，如之何不喜。執事垂光虹蜺，濯髮雲漢，少須暇之，駕秋濤而湘春錦矣。燒尾光芒，薦蠶

角尺，山中猿鶴，先修光榮。文天祥與劉正伯書

獨坐翰署，清寒襲人，偶得故人書札，溫如玉面，加之絨褐之惠，過綈袍遠矣。所示與拱之倡和，佳甚。中年多事，此興不減，非夙有大抱負大蘊蓄者不能。關西山川之勝，或亦不得無助。區區此技漸荒，將與棋局併廢，第猶有未能絕者，如署中諸吉士課業之類是也。後進中儘有異才美質，憾不得面談。凍筆艸艸。李東陽與楊邃庵書

伏承華翰，知台從已返仙里，仕宦而至將相，衣錦而歸故鄉，古人所羨，豈易觀哉。數年共事政府，荷道誼同心之雅，以不肖之淺薄，所以能竭駑策蹇，效忠於國家者，非公其孰能成之。功在天下而人不知，斯可謂至德也已矣。別來倏忽改歲，遐想高踪，既深歎挹，追惟夙誼，復愴離襟，使旋附候，統惟鑒原。張居正答豫所呂相公書

念與公執手祇園時，可一紀所，鳥樹樓樹，差似曩昔，而公之文價突兀，與易京之臺爭雄。獨僕客衰於鄭當時，面皺於波斯匿，不免爲山色所笑。日者公按節茂苑，深欲馳一介相訊，恐壞深山人例，踟躕未果，則候吏以大壁手教至矣。僕齒頰之餘，人理道盡，公何自垂青焉。豈四明狂客有故事耶。王世貞答沈箕仲書入春風雨連綿，鬱鬱無好思，偶得小晴，從友汎輕舸，問梅花。使者以書及筐柑至，即取分嘗之，風味殊絕。得

示收藏至三月間更佳，兒輩饑口，恐不能待也。王世貞答王大參陽德書

遁荒以來，桃蟲處桃，壤蟲處壤，不知天地日月。忽承瑤札自天，卽蒲團間，不覺心跳耳熱，願得一當神交知己。陳繼儒與孫使君書

山中草木之年，以不材而得全，俛仰人世，所謂臣亦自厭其餘生也。辱道義深愛，遠示記存，酌大斗以介眉壽，敢不拜嘉明德。俟過吳門，便當趨侍絳帳，踵謝盛雅。錢謙益致程翼蒼書

人之信毀也，易於信譽，而人之譽人也，又不能如毀人者用意之深。今日而始得當以報臺下，使者當微知之。似葉之身，候逢搖落，儻不卽隕，良晤非遙。魏大中答陳如葵書

僕之渴足下也甚，昨歲北上期迫，寐而渡吳昌。僕以爲入吳昌，不登虎丘，不訊子威先生，猶悵悵胡益於走。乃今還而艤棹，遂兩有之，猶恨晚耳。札來不規誨所未有，直用相顧盼爲奇重。且也僕之得奇重於先生，若斯已乎，若斯已乎，他日者又當寐而渡吳昌矣。余寅答劉子威書

昨歲經過珂里，奉訪雲亭，一慰懷想，聊申契闊。徒以王命嚴程，僕夫敦馭，遂使暫違叔度，遽別眞長。滄江白雲之望，清風明月之思，與時俱永矣。年翁抱桓譚之絕才，負嗣宗之神筆，文園著作，有類馬卿，騎省閒居，聊同潘岳。西郊宴喜，陸大夫之優游，南國簪裾，王右軍之觴詠，以視夫風塵鞅掌，跋涉關津，固將使叢菊

笑人，女蘿含誚矣。弟承乏越東，濫膺浙土，自慚敝帚，何嘗長風。正恐渤海稱煩，淮陽難臥。儻貽知己之憂，詎解勞人之目。惟是探奇禹穴，選勝秦峯。叔夜山亭，幾存斷柳；子真舊井，獨酌清泉。緬懷古以洗殷，庶褰裳其不遠。然而屋梁落月，時念故人；谷裏鳴琴，隱言同好。幸家季之忽臨，屬芳絨之遠訊，捧讀翰音，如聞玉欸，喜荷交并，不知所云。家季天涯兄弟，垂傾北海之樽，客裏年華，共對西窗之話。既賦過歸，率爾言別，極目江帆，永懷耿耿。宋婉答尤展成書

去歲臘月底接到執事札一道，仕琇捧讀之下，欣感無任。竊仕琇壅腫棄材，不中尺度，出吏數年，課績無書，罪愆日積，未省所以改之者。昔在京師，附託年誼，陪侍遊從。荷蒙執事念其讀書略識數字，辱收諸教誨之末。遂復負寵恃知，屢蹈狂悖，賴執事憐念，不督過之。周旋數年，綢繆彌固。茲復以監司之尊，俯存下吏，忘其垢辱。蓋執事篤故舊，恤其不及，發興枯痿，而慰其衰，以自遂其長育人材之意，而俾天下聞風者興於仁，其託夙昔之歡者，遂得厚蒙栽植，先天下而受幸如此也。近來河務方殷，仕者視為畏途。伏祈執事謹持之，爲禱。屢欲修啓，因未審衙門，邸報中漏於登載故也。二月閒同年桐城張編修至署，惠爵秩書一帙，乃悉築戟臨駐之地，遲延之愆，尙祈執事鑒宥，臨啓無任。朱仕琇答鄧副使悔菴書

茲讀和詩，得悉近似勝常，興高采烈，知我愛我，尤覺情見乎詞。不圖磨盾分題，飛觴鬪韻之時，猶念及

庚信生平，江關蕭瑟，明珠一斛，慰我寂寥，此意何可忘也。弟歲莫無徒，悽然顧影，聊借韻語以代問兩問答。何意吾師見顧之重，引之升堂，諸君子又從而和之。望樂國而神馳，見大巫而氣索，欲前且卻，方寸幾難自主矣。何忝寄許屏振神司馬書

## 思慕

### 近地

海岱咫尺不能到，焚香而已。日短不能晝眠，又少人往還，惘惘足下比時何樂？米芾與人書

間承出膺藩服，近在咫尺，終不敢輒修記室之問。其如疇昔之念，固不捨光明，亦妄意氣類之猶在焉。秋晚浸寒，日來恭惟台候起居萬福。道義紬繹，體用宏博，方時豈有居其右者。抑揚消長，自與造物者宜契，而僉允所期，天人其遠哉。日聳降制，益邁伊周之蘊，上符聖學，永爲斯文之助。李之儀與翟給事公遜書

某澤潁被黜，寫恹恹銅壺閣下，昭鄰好也。某日從郵置，得澣我私。盈盈一水間，鼓宮宮動，鼓角角動，精神流注，絕出翰墨町畦，芳菲菲兮浩湯何極。欽以某官，吐吞玉櫃之風煙，披拂青藜之光燄。卿雲甘雨，含天地之至和，古柏蒼松，炯雪霜而獨立。小駐星河之棹，頻分江國之符。春靄袴襦，神螺黼黻，雨籠絃誦，振鷺連